

Ebe onodode ni iPolu o keke ghi ITimoti

¹ Mhemhe iPolu aghiusomhi na keke oyi iJesu iKirisiti, rote omheshe oyi Eshinegba ni o mie awa pfuese ali iJesu iKirisiti ni o khi irudushi oyawa.

² Mhemhe mhi keke ebe ona ghi iTimoti, ni o khi egbegbi omimhe elemhi imiesuo, okhale ali ilelemhi ali opfomhe enayi Eshinegba e ka khi eye.*

Mhue egbhe shi ena osese egbholi egbe

³ Mhia nono ni u la eoli Efesosi abi mhi kie kpe gueye abi mhi ro lele iMasidonia, ni u me asha gueye egbo eghuo ni e la oobo o sese osese egbholi e mu migha. ⁴ Gueye we, e tsua okhe igbaekele oyi egbo enede ali ida-echek ku-a ni o khia khi ekhako o lese roo bhale, ea ya kpaghie akanya oyi Eshinegba ni o rote irudunga bhale obo. ⁵ Emini o ze ni a ro mheshe omheshe ona khi, ni a ro guise inono, ni o rote udu no pfuase bhale le, ali oni o rote udu-onete ni o gue ogbo ezọ ali egbegbi irudunga bhale. ⁶ Egbo eghuo e she rote enana lasese, nyene egbe je ingmemhi afue. ⁷ Ee nono ni wewe e khi esese Ishi eyi iMosisi eyi Eshinegba, ama ea lese emini e ngme wekhi eri e lese emini e ri itoto ge ma gue gagaga.

⁸ Awa lese khi ushi o ti ini awa gue deba li abi awa kha li. ⁹ Awa lese khi o a khi itobo egbo enete a ro shi ushi, ama itobo egbo ni ee gbe ushi-a ali ighiatọ ali eni ea mhue ulishi Eshinegba ali ena olamhe, ali egbo ni ea lese ugamhi, ni ea mu ekpe

* **1:2** Li ze Ika 16.1

ẹ na emhi eyi Ẹshinẹgba, ali ẹgbọ ni ẹẹ gbe itawẹ ali inyewẹ-a, ali ẹgbọ ni ẹẹ gbe ugbeli. ¹⁰ A shi ushi na ẹgbọ okia ali eni nu emose nabi wewẹ ali ikpotso nabi wewẹ ẹẹ gbhẹ, ali ẹgbọ ni e muno ẹgbọ ọ dẹ, ali ẹgbọ ni ẹ lo ẹgbhue ali eni ẹẹ pfi ọtsẹlẹ ẹgbhue, ali emhi elese ni ẹa de shi egbegbi oseşẹ, ¹¹ ni o khi oseşẹ ni o de shi usomhi onete oni o mhọli ufumhi oyi Ẹshinẹgba, ni ọ mhọli ikhivose ni a rọ nga mhe obọ.

Ikpemhi shi ilelemhi oyi Ẹshinẹgba

¹² Mhi kpemhi na iJesu iKirisiti Onomhue oyawa ni ọ ri itoto na mhe, ni ọ me khi mhi te ọ ni ọ rọ ze mhe shi akanya oyọli. ¹³ Abi o tseku khia khi ẹgheghe ni o dose khi mhi pfi unu-a deba Ẹshinẹgba, ali ni mhi i jili ẹgbọ ni e miesuo, ni mhi nu wẹ khọli, ọọ mhọli ilelemhi na mhe irari khi umhaleşẹ ali umha miesuo o remhe li ghọ.† ¹⁴ Onomhue oyawa ọ ya tutu okhale ku mhe. Ọ ri irudunga ali inono na mhe ni e khi eyawa irari ikugbe ni awa ali iJesu iKirisiti awa kugbe.

¹⁵ Egbegbi ungmehi na, ni awa kha mie shi nya, khi eri iJesu iKirisiti ọ bhale agbọ ya tsumhi ena olamhe, ni o khia khi mhemhe mhi ga khọlọ ne nya. ¹⁶ Ama eri Ẹshinẹgba ọ mhue ilelemhi na mhemhe ni ọ khọlọ ne ena olamhe nya, ni a rọ bhale ya ẹ khi irabomudu oniemhi ni iJesu ọ mhue na mhe o khi irọkhọkhọ shi ẹgbọ ni e ke ya mie ọli suo ọ, ali eni e ya mhue agbọ na agbomagbọ. ¹⁷ Ekpe ali ufumhi o khi oyi Oghie na agbomagbọ, ni ọa ya ghu, ni aa ya me, Ẹshinẹgba ni ọ khi oghuo kpe, rọte agbomagbọ ya je agbomagbọ! Atse.

† **1:13** Li ze Ika 8.3; 9.4-5

¹⁸ Yeye iTimoti omimhe, ena e khi omhesẹ ni mhi ro ne, ni e de shi abi a li me eke shi e egbe egheghe ni o dose. Ke ri omhesẹ ena gbe akanya, irari khi itsua-okhue e khi ne, ni u ro dobe ya kholi okholi onete, ¹⁹ kie mu irudunga oye ali udu onete ni o gue ogbo ezọ oye mhue. Egbọ eghuo ni ẹa ke riele emini udu onete ni o gue ogbo ezọ oyewe o gueye we e riele, eri irudunga oyewe o de guoghọ-a abi oko-okẹ oniemi. ²⁰ Egbọ enabi eghoghọ iManiusi ali Alezada e khi, ni mhi wolọ abọ na okphaghiẹ ni o sese we ingme, ini e khi ke ngme ungmehi ipfiunu-a deba Eshinegba.

2

Ugamhi igbaa oyi eni e mie iJesu iKirisiti suo

¹ Mhi gueye e, a kpe te odode so iromhi na egbo kpa. Abi u lie gue emini e to e le, lema Eshinegba shi ilemhi na we, u kphemhi na Eshinegba na we. ² U li so iromhi na enighie ali eni ee mhesẹ ni awa, ni e ro dobe ke la agbo na tsuke ali opfome, elemhi ekpe oyi Eshinegba rote igue-ngeli. ³ Ona oo ti, o ma ri egbe a mu Eshinegba otsumhi oyawa. ⁴ Ni oo nono ni ogbokpa o mholi imiepfuese, ni o gbo lese igesikia. ⁵ Irari khi Eshinegba oghuo o lao, ali omigha iteva ogbo ali Eshinegba oghuo, omose ni a lu iJesu iKirisiti. ⁶ Ni o ri egboli bhale shi otoeloli, ni o ro mie egbo nya pfuese. Ona o khi usomhi ni Eshinegba oo nono ni loli gueye ogbokpa ni o gue de shi egheghe oyoli. ⁷ Ona o ze ni a ro ghie mhe abi aghiusomhi na kepe ni iKirisiti o ze ali osese oyi iJeta

ni mhi rọ gue usomhi irudunga ali igẹsikia le. A khi ẹgbhue mhia lo, igẹsikia mhia guele.*

⁸ Ini a ye ugamhi, mhia nono ni emose e tsua abo eke shi iromhi isoso ni o mhue elemhi ibibi wekhi ekhako. ⁹ Mhi lili e nono ni eni ikpotso e gue ke so itsua ni e gbe akanya, a khi khuẹ akhue abamemhe, wekhi ie-itsu dolodolo shi ukhomhi, wekhi iri-igolu khuẹ akhue ali ifefe isoso wekhi itsua ni e lolo ghalẹ isoso.† ¹⁰ Ama e ke gbe ikanya enete, ni o ye ni ikpotso ni ee khi wewe a ga Eshinegba e gbe.

¹¹ Ikpotso e ke ri iregbe-tiemhile ke ku eso-a wena. ¹² Mhi aa ze okpotso ni o sese, we khi eri o ya mhue omheshe shi emose ukhomhi. O ke tsaghiye-a. ¹³ Itobo khi Adamu a kpe ma neni a ma Ivu.‡ ¹⁴ Oa khi Adamu okphaghiye o di, ama okpotso a di ni o gbe ushi oyi Eshinegba-a.§ ¹⁵ Ama a ya tsumhi okpotso rote eniye ibiabia, ini o kiele e deba irudunga ali inono ali ipfuase, ni o ro mu ekpe shi egboli egbe.

3

Eni e mhese elemhi igbaa oyi eni e mie ifesu iKirisiti su.

¹ Oni ungmehi ona oo gbe akanya gba. Ini ogbo oo nono ni loli khi oni o ri eloe e khu ogbo eyi Eshinegba, eminete lo ni o ghole oli. ² Oni o ri eloe a khu eni e miesuo o mema ya khi ogbo ni o fu dose umhagueli, o khi odọ okpotso oghuo, o mhue ikuegbe-a, o mu ekpe shi egboli egbe, o khi oni a mu ekpe a na, o mema ya ke kpe abo mie epfese lo

* **2:7** Li ze 2 iTimo 1.11 † **2:9** Li ze 1 i Pit 3.3 ‡ **2:13** Li ze Igbae

2.7,21-22 § **2:14** Li ze Igbae 3.1-6

apfe oyoli le, o mema ya dobe ke sese osese. ³ O khi khi odonyo, we ogbo okholi, ama o pfomhe, o khi khi ogbo uwola, o khi nono ingme ukpago dose. ⁴ O mema khi oni o gue ri eloe e khu omhue-apfe oyoli. O khi oni imioli e mu ekpe e na, ee suo eso na li egbegbo. ⁵ Itobo khi ini ogbo o a gue ri eloe e khu omhue-apfe oyoli, se oli ya dobe ri eloe khu igbaa oyi eni e mie iJesu iKirisiti suo? ⁶ O khi khi oni o lese miesuo ni ode o a nue ne ini ititiegebe e khi vo li egbe ni o tigbe ya de pfilo epfua nabi okphaghie o de pfilo. ⁷ O mema khi ogbo ni o mholi eva onete iteva oyi ena edato, ini o khi yeghe-a ni o de ya pfilo igha okphaghie.*

⁸ Eni ee kpaghie elemhi owa ugamhi, e khi egbo ni a mu ekpe e na, e khi egbo ni a ri egbe e nga. E khi khi eni e da onyo o dose wekhi eni ee li oyamhi ukpago. ⁹ E ri udu-onete ni oo gue ogbo ezoo mu igesikia ni a rohasa ni e la irudunga mhue. ¹⁰ A kpe mu we fe bino, ini o khia khi e gue gbe, a tigbe ze we oboo o gbe akanya oni oo ga. ¹¹ Ighuewe e mema ya mhue ingeli enete. E khi khi eni ee le egbo itsa uruli kiakia, e mholi ayemhe ni o pfomhe, e khi eni a ri egbe e nga shi emhikpa. ¹² Omose okpaghiobo o mema ya khi oni o rue okpotso oghuo shi, o khi oni o gue e sese eniye eyoli ode, o gue ri ukpeloe a khu omhue-apfe oyoli. ¹³ Ekpaghie-oboo eni e gue ga, e she roli mie ashini o mu eloe, ali e dobe ri igbedu e ngme ingme oyi irudunga oyi iJesu iKirisiti ni e mhue.

Osheli ni o la irudunga oyawa

* **3:7** Li ze iTato 1.6-9

¹⁴ Aborièkhia khi mhi ririè mhòli òli shi udu khi mhi ya keḷe bhale ya bine, mhi rọ kie keḷe eni omhèṣe ena ghi è. Eghèghe agho ni a bhale ya è khi, ¹⁵ ini o khia khi mhi tṣeṣe dene, ebe ona o ya seṣe è abi o ti ni egbo e li ke ngeli elemhi omhue-apfe oyi Eshinegba, ni o khi igbaa oyi eni e mie iJesu iKirisiti suo oyi Eshinegba ni o la agbo. Ikhi igbaa oyi eni e mie iJesu iKirisiti suo ni o khi oche ali irogbekè ni a ma igesikia nga. ¹⁶ Igesikia ni o la osheli oniemi ni o la irudunga oyawa o fu dose oni ogbokhoghuo o mhue ekhako è shi.

IJesu o bhale agbo abi ogbò,

Ayemhe o roli khase
khi o ghole Eshinegba,

igeni e me oli

A roli tse abo gase
ushishi nya,

egbo e mie oli suo

elemhi agbo nya
a rue oli nga iloghie.

4

Ena Osese egbhòli

¹ Ayemhe o guele gboo khi, ikpukhokho agbo, egbo eghuo e ya tsua irudunga pfi-a. E deba iyemhe ni ee di agbo, ee deba osese ni ayemhe okphaghiè e tsua lasele. ² Osese eghoghò, obò oyi elo-egbhue ena ikokoalo e te è bhale, eni udu-onete ni o gue ogbò ezò oyewe o she ghua dishi. ³ Egbo eghoghò è seṣe egbo e khi rue okpotso, eni ikpotso e khi ye ughue, e gueye we e khi ke le eminale eghuo. Ama eri Eshinegba o ma eminale eghoghò, eni e

miesuo ni e leşe igesikia e ke ri ikphemhi mie we le. ⁴ Emhikpa ni Eshinegba o ma o ti, a khi me emini a kie, ama a ke ri ikphemhi mie emhikpa. ⁵ Irari khi ungmehi oyi Eshinegba ali iromhi isoso a ro rewe e shi eni e pfuase.

⁶ Ini u ri oni omheshe ona na eni e miesuo, u ya khi oni o guę gbe akanya ugamhi oyi iJesu iKirisiti, ni a kuęle vule rote igesikia na irudunga ali osese enete ni u wa deba. ⁷ Khi mholi emini u ri okhe oyi egbo nede, ali okhe ikpotso egbhali e riele. Ke ngeli riele oghumhe oyi Eshinegba. ⁸ Inisegbe-a o mholi ukuku eminete ni o riele a na ogbo, ama ni a ro suo eso na Eshinegba, eri o ti odekhode, itobo khi o mholi ishobo na awa memena ali agbo ni o ke e bhale.

⁹ Ungmemhi igesikia na ni o ti ni a mieshi, ni a gbo lama shi o. ¹⁰ Onana o ri anye roshaka a gbe akanya egbegbo, irari khi awa she ri irudushi oyawa shi Eshinegba obo, oni o lao ni o khi Omiepfuese oyi ogbokpa, eni e miesuo kpaashi.

¹¹ Mheshe, u gbo sese ena nya. ¹² Khi ze ni ogbokhoghuo o ri eloe gbe e irari khi ozele u khi, ama rote ungmehi oye, ali agbo oye, ali inono oye, elemhi irudunga ali ipfuase oye khili irokhase na eni e miesuo. ¹³ Ya ramhi egheghe ni mhi ro ya bhale, ri eloe shi o kie ke ze Ebe-no-pfuase khase igbaa, u kie le e tse-abo oni ungmehi, wa sese we. ¹⁴ Khi ri obo gbe isomhopfa ni Eshinegba o ro ne nye. Oni a ro ne abi a ro mekeguele shi e egbe ali abi eni egbhali e ro ri abo nge egbe.

¹⁵ Ke ri eloe shi eni emhi ena egbegbo, u ri egbe e na we pfo ni egbo nya e ke me ije-odalo oye. ¹⁶ Ri eloe shi egbe e egbe ali osese oye. Kie ke riele emhi

ena, irari khi ini u wa ligho u ya tsumhi egbe e ali eni e suo e.

5

Abi ee a ke li esamhi-olimhi, ali egbhali ali ighumha

¹ Khi dese ogbhali, ri ipfomhe uruli nu oli ngme abine khi ite o khi. Ke riele deba ozele abine khi inyoghuo e u ngeli e deba. ² U riele deba ikpotso eni egbhali abine khi inye e khi. Ke ngeli deba ozele ikpotso abi inyoghue ni ikpotso.

³ Khi ri eloe gbe esamhi-olimhi ni e khi esamhi-olimhi egbegbo, ni e mholi otomhe. ⁴ Ini oni osamhi-olimhi o bia eniye, o ke khia khi o mhue imimi, eni eniye e kpe ke ri emini e wena imiesuo gbe akanya, abi e li ri eloe e khu omhue-apfe oyewe. Ini e lina, eri e feli eni e bia we ali itita we egho, irari khi onana o ma ri egbe a mu Eshinegba. ⁵ Oni o khi osamhi-olimhi igesikia ni o ke ye ughue, ni lolighuo o la, o she regbenga Eshinegba, o so iromhi e mhila li ikpaghiobo obo, eleoguota ali ele iyose. ⁶ Ama osamhi-olimhi ni o ri egboli shi aruele agbo, o she ghu-a ini ayemhe oyoli o kie tseku lao. ⁷ Mheshe enana na we ini a khi me gue shi we egbe. ⁸ Irari khi ini ogbo o ri ukpeloe khu ena omhue-apfe oyoli, tete imi oli ali ughue oli, o she kie oni irudunga. O kholo dose oni o miesuo.

⁹ Khi keke eva oyi osamhi olimhi kuma eva eyi esamhi-olimhi se ni o she dose ikpe egbhueshe, oni o khia khi utoghuo-kpe o kpe lese ye ughue. ¹⁰ O khi oni a suo eko shi ikanya enete, okpotso ni o gue kuele imioli. Ni o mie epfese e shi owa. O gue a gbe

ikanya deba eni e miesuo, ni o o kpaghie egbo ni e la omunu obo ni o ri egboli shi onete ododa iriele.

¹¹ Ama khi ri eva oyi ozele esamhi-olimhi shi ebe. Irari khi ini oghumhe idiegbe oyewe o nga we ukhomhi le dose ugamhi ni e ga iKirisiti, e vu ya ngeli. ¹² Eri e rote agho lue, irari khi e she gbe ironga ni e kpe te eke ro nga ni iKirisiti-a. ¹³ Egbo owaza e khi ni ee kia ifui owa. Oni o kholo ne nya khi ee le egbo itsa uruli kia kia, ee sono unu ingme ni aa fe lu we shi, ee ngme ungmehi ni ea kha ngme. ¹⁴ Itobo igho, o ghole mhe ni ozele isamhi olimhi e ye ughue, e bia eniye, e ri eloe e khu omhue-apfe oyewe. Ini awa khi ri eghenge na ebe awa me asha yese awa eva-a. ¹⁵ Eni esamhi-olimhi eghuo e she lase ode oyi iKirisiti le deba okphaghie. ¹⁶ Ama ini okpotso okhoghuo ni o miesuo o mhue osamhi-olimhi she unuekpe oyoli, o mema ya ke ri eloe khu oli, o khi rue oli ghi igbaa oyi eni e mie iJesu iKirisiti suo ke tsua, ni e dobe ri eloe ke khu eni e khi egbegbi esamhi-olimhi ni e mholi otomhe.

¹⁷ A ke fali eni egbhali ni e ri igbaa oyi eni e mie iJesu iKirisiti suo e kia ni e gue gbe akanya egbegbo ifata agbhagbhamhi eva, tete eni e mema lolo toto obo itse-abo ali osese ungmehi oyi Eshinegba. ¹⁸ Irari khi ebe o ngme oli, u khi ge ena unu ini u roli e kpishi ikpamhi emhi. A ke fali egbakanya ifata eyewe.* ¹⁹ Khi roli shi egbegbi ingme ini ogboghuo a bhale ya ngme ingme shi ogbhali egbe, se ini e gbe aava okekhi aase.† ²⁰ La

* **5:18** Li ze iDeut 25.4; iMat 10.10; iLuk 10.7 † **5:19** Li ze iDeut 17.6; 19.15

odalọ ẹgbọ kpa ke dese eni e lamhẹ ni o tse agua ye enekpọle.

²¹ Mhi la ukpẹloẹ onayi Ẹshinẹgba ali iJesu iKirisiti ali oyi igeni ni e pfuasẹ mhẹsẹ nẹ, u ri omhẹsẹ ena gbe akanya, khi rọte ode oshili wẹwẹ azẹba riẹlẹ emhikhọghuo.

²² Khi tigbe keḽẹ ri obọ nga ọgbọ egbe rọli nga akanya ugamhi oyi Onomhūẹ, u khi ya nu ọli mhūẹ okemhi shi olamhẹ oyi ọli. Ri egbe ẹ shi ipfuasẹ.

²³ Khi ke da amẹ tsee, ama ke da ukuku onyọ ni eminale e keḽẹ ke daghiẹ-a shi ẹ elemhi, abi ọ rọ khia khi u ma keḽẹ ẹ ghua eghọ.

²⁴ Eri a ga ẹgbọ eghuo zu olamhẹ eyẹwẹ, neni a rẹ ramhi iguẹzọ, ama olamhẹ oye ẹgbọese elẹlese e ya lasẹle. ²⁵ Ighọ a liẹ mẹ ikanya enete gboo. Shi eghuo ni aa ya mẹ memena, ẹa ya sheli okhẹsẹ.

6

¹ Eni e khi ighumha e ke ri ekpẹ na ega eyẹwẹ ẹghẹghẹkpa ini ọgbọkhọghuo ọ khi zẹ emuẹbe na eva oyi Ẹshinẹgba ali osesẹ oyawa. ² Ighumha e khi ri elọe gbe ega eyẹwẹ ni e miesuo, ni e mhọli wẹ, irari khi inyọghuo egbe e ga khi ni ẹẹ deba iKirisiti, oni iKirisiti ọ nono ingme oyẹwẹ. Ochoghọ e ke ga wẹ dọsẹ abi e kpẹ li a ga wẹ, Eni ingme ena e khi eni u ya ke sesẹ wẹ, u gbo rẹwẹ ẹ ye wẹ ude.

³ Ọgbọ ni ọ da sesẹ osesẹ olese ne, ọa lama shi egbegbi osesẹ oyi iJesu iKirisiti Onomhūẹ oyawa ali ugamhi oyawa, ⁴ eri itipfuabọ-nga o she vọ li egbe ni ọa ke lesẹ emhikhọghuo. Ọ mhūẹ ọghuemhẹ obe na ekhakọ ali uwola shi ingmemhi ni ẹẹ pfi ofuma ali uwola ali itsue ali ireloevioḽa. ⁵ E gbolo ẹ pfi ekhakọ shi iteva ẹgbọ ni isamhi udu oyẹwẹ ọa ya

gbe akanya te ode, ni igesikia o she wa we-a. Eri e dabi khi ugamhi khi epfue a roli e nono.

⁶ Egbegbo lo khi ugamhi o ri ogbo o mhue epfue egbegbo, o ri emini u mhue khuese e. ⁷ Irari khi awa a kpe tsua emhikhoghwo bhale agbo ona. Igho awa a li rote agbo ya tsua emhikhoghwo vu. ⁸ Irari onana, ini awa da mhue eminale ali itsua na so ne, o khuese awa. ⁹ Ama eni e nono ni wewe e pfue eri ee de pfilo imufe ali igha ali oghuemhe eyi oyeghe ni e kuale ogbo utse, ni o pfi egbo pfilo epfua ali oyese. ¹⁰ Irari khi rote oyamhi ukpagho iwali onobe nya e te e ze lasele. Egbo eghuo e she kphakpha egbe ini e mhue ikpagho, ni o she rewe kia lase ode irudunga le. E she ri ebubu oya yese egbe we udu-a.

Agbo ni o ti ni oni o miesuo o la

¹¹ Ama yeye Omose oyi Eshinegba, ti egbe emhi enana nya le, na ke khu ipfuase, ali iriele emini o ti Eshinegba eloe, ali irudunga, ali inono, iregbemie ali angeli ipfomhe. ¹² Ga ri itoto eye nya na unamhi oni irudunga oye, ni u mie eleli agbo na agboagbo. Itobo khi oni agbo onana Eshinegba o lu e shi abi u ro pfi otsele shi irudunga oye odalo ebubu egbo. ¹³ Odalo oyi Eshinegba ni o ri agbo na emhi nya ali odalo oyi iJesu iKirisiti, ni o pfi otsele odalo iPotiusi iPaleti, mhi la mhese ne ena,* ¹⁴ u ri omhese enana gbe akanya, ri igesikia mu we mhue gbaa ya ramhi ele ni iJesu iKirisiti Onomhue oyawa o ro ya bhale. ¹⁵ Oni ibhale oyoli o ya tse shi egheghe ni Eshinegba o mhese oli shi te, loli o khi Oghie oghuo kpele ni a khivose na, Oghie oyi ighie nya, ali Onomhue

* **6:13** Li ze iJon 18.37

oyi ekhemhūe nya. ¹⁶ Lọlighuo kpele ọ leṣe la ọ le agbọagbọ. Eri ọ la ákpá ni ọgbọkhọghuo ọa gbudu a ti mama. Oni ọgbọkhọghuo ọa mē ghue wēkhi eri ọgbọ tigbe doḅe ya mē ọli ghue. A ri ufumhi ali ekpabọ oniēmhi nali. Atṣe.

¹⁷ Mhese na eḅọ ni e pfue shi elemhi agbọ ona, e khi ke ti-ipfuabọ nga, a e khi ri udu shi eḅfue ni ẹa zẹ ri egbe ẹ da, ama e mhue irudushi na Eshinẹgba ni ọ ri emhikpa somhi awa opfa tuọ, awa rọ ke li agbọ. ¹⁸ Mhese na wẹ e ke rieḷe onete, e khili eni e pfue shi elemhi onete irieḷe, e ke somhi eḅọ opfa, e ke rọte emini e mhue rue obọ-a. ¹⁹ Ini e da li na ne, e ya ti eḅfue ma na eḅbewe abi iroḅbekẹ ni o migha, elemhi agbọ ni ọọ bhale, ni e la agbọ ni Eshinẹgba ọ nono ni e la.

²⁰ ITimoti, ri eḷoe khu emini a rọ shi e obọ. Khi kuma ingmemhi ni ẹa khi eyi Eshinẹgba ali ekhako eyeḅhe ni eḅọ eghuo e ri eḅhọli ẹ lu ileṣe, ²¹ ni eḅọ eghuo e deba ni o rewe lase ode irudunga oyewe le.

Okhale oyi Eshinẹgba o ka nu ẹẹ nya la.

Ebe-No-Pfuasę Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 21 Feb 2024 from source files
dated 29 Jan 2022

03be06b0-68fd-500b-b9a9-6bca4b63979a